0.0.1 cundasuttam

- 1. ekam samayam bhagavā sāvatthiyam viharati jetavane anāthapiņḍikassa ārāme tena kho pana samayena āyasmā sāriputto magadhesu viharati nāļakagāmake¹, ābādhiko dukkhito bāļhagilāno. cundo ca samaņuddeso āyasmato sāriputtassa upaṭṭhāko hoti. atha kho āyasmā sāriputto teneva ābādhena parinibbāyi. atha kho cundo samaņuddeso āyasmato sāriputtassa pattacīvaram ādāya yena sāvatthi jetavanam anāthapiṇḍikassa ārāmo, tenāyasmā ānando tenupasaṅkami. upasaṅkamitvā āyasmantam ānandam abhivādetvā ekamantam nisīdi. ekamantam nisinno kho cundo samanuddeso āyasmantam ānandam etadavoca:
- 2. "āyasmā bhante, sāriputto parinibbuto. idamassa pattacīvara"nti. atthi kho idam āvuso kathāpābhatam bhagavantam dassanāya. āyāmāvuso cunda, yena bhagavā tenupasankamissāma. upasankamitvā bhagavato etamattham ārocessāmāti. evam bhante'ti kho cundo samaņuddeso āyasmato ānandassa paccassosi. atha kho āyasmā ca ānando cundo ca samaņuddeso yena bhagavā tenupasankamimsu. upasankamitvā bhagavantam abhivādetvā ekamantam nisīdimsu. ekamantam nisinno kho āyasmā ānando bhagavantam etadavoca: "ayam bhante, cundo samaņuddeso evamāha. āyasmā bhante, sāriputto parinibbuto, idamassa pattacīvara"nti. api ca me bhante, madhurakajāto viya

¹nālagāmake - sī 1, 2. pts page 162

kāyo. disāpi me na pakkhāyanti. dhammāpi mam nappaṭibhanti. āyasmā sāriputto parinibbuto'ti sutvāti.

- 3. kinnu kho te ānanda, sāriputto sīlakkhandham vā ādāya parinibbuto, samādhikkhandham vā ādāya parinibbuto, vimuttikkhandham vā ādāya parinibbuto, vimuttikkhandham vā ādāya parinibbuto, vimuttiñānadassanakkhandham vā ādāya parinibbuto'ti? na kho me bhante². āyasmā sīlakkhandham vā ādāya parinibbuto, samādhikkhandham vā ādāya parinibbuto, paññākkhandham vā ādāya parinibbuto, vimuttikkhandham vā ādāya parinibbuto, vimuttiñānadassanakkhandham vā ādāya parinibbuto. api ca bhante, āyasmā sāriputto ovādako ahosi, viñnapako sandassako samādapako samuttejako sampahamsako akilāsu dhammadesanāya, anuggāhako sabrahmacārīnam. tam mayam āyasmato sāriputtassa dhammojam dhammabhogam dhammānuggaham anussarāmāti.
- 4. nanu tam ānanda, mayā paṭigacceva akkhātam: "sabbehi piyehi manāpehi nānābhāvo vinābhāvo añ-ñathābhāvo, tam kutettha ānanda, labbhā yam tam jātam bhūtam saṅkhatam palokadhammam tam vata mā palujjīti, netam ṭhānam vijjati, seyyathāpi ānanda, mahato rukkhassa tiṭṭhato sāravato so mahantataro khandho so palujjeyya, evameva kho ānanda, mahato bhikkhusaṅghassa tiṭṭhato sāravato sāriputto parinibbuto, tam kutettha ānanda, labbhā, yam tam jātam

 $^{^2}$ na kho me taṃ bhante - sī 1, 2. na ca kho me bhante - machasaṃ. bjt page 294

bhūtam sankhatam palokadhammam tam vata mā palujjīti, netam thānam vijjati. tasmātihānanda, attadīpā viharatha, attasaranā anaññasaranā dhammadīpā dhammasaranā anaññasaranā.

kathañcānanda, bhikkhu attadīpo viharati attasa-5. rano anaññasarano dhammadīpo dhammasarano anaññasaranā: idhānanda, bhikkhu kāye kāyānupassī viharati ātāpī sampajāno satimā vineyva loke abhijjhādomanassam, vedanāsu vedanānupassī viharati ātāpī sampajāno satimā vineyva loke abhijjhādomanassam. citte cittānupassī viharati ātāpī sampajāno satimā vineyya loke abhijihādomanassam. dhammesu dhammānupassī viharati ātāpī sampajāno satimā vinevva loke abhijihādomanassam, evam kho ānanda, bhikkhu attadīpo viharati attasaraņo anaññasaraņo dhammadīpo dhammasarano anaññasarano vehi keci ānanda, etarahi vā mamaccave vā attadīpā viharissantī attasaranā anañnasaranā dhammadīpā dhammasaranā anaññasaraṇā. tamatagge me te ānanda, bhikkhu bhavissanti ye keci sikkhākāmā"ti.

pts page 163